

Matthildur G. Guðmundsdóttir

From: Ingvi Stigsson <ingvi.stigsson@gmail.com>
 Sent: 31. mars 2016 16:21
 To: Landeigendafélag Sléttu- og Grunnavíkurhrepps
 Subject: Drög að auglýsingu fyrir félagsfund á Ísafirði

Landeigendafélag Sléttu- og Grunnavíkurhrepps heldur fund fyrir félagsmenn í Stjórnsýsluhúsinu á Ísafirði 28. apríl kl. 20:00.

Félagsmenn geta þeir orðið, sem eiga réttindi yfir fasteignum í fyrrum Sléttu- og Grunnavíkurhreppi, það er jörðum, einstökum lóðum og húsum.

Sjórn félagsins mun kynna félagið og Hornstrandaneftnd.

Gestir fundarins verða Gísli Halldór Halldórsson bæjarstjóri Ísafjarðarbæjar og Jón Smári Jónsson umsjónarmaður Hornstrandaþílands.

Fundur hófst 20:10 og lauk 22:15

Fundarmenn voru 37

Erling Ásgeirsson fór yfir tilurð stofnunar félagsins, og sögu þess í upphafi og stofnun friðlands.

Ingvi fór yfir reikninga félagsins og fjölda félagsmanna.

Kynnti jafnframt Hornstrandaneftnd.

Erling fór yfir skipulagsmál. Greinagerð um skipulagsmál 1995-2015.

Tilgangur félagsins, eignarréttur og hlunninda.

Ágangur ferðmanna með skemmtiferðaskipum, þyrlum, vélsleðum, reiðhjólum, fjór/sehxjólum.

Samantekt frá Ingva Stígssyni frá fundi LSG Ísafirði 28. 04'16

1. Konráð Eggertsson taldi að friðlýsing þess landsvæðis sem nú heitir Hornstrandafriðland hafi ekki verið lögleg. Það hefði átt að leita undirskrifta allra landeigenda. Vill ekki takmörkun á akstri fjórjhóla/sehxjóla eða vélsleða.
2. Ingvi benti á 30.gr. í lögum um náttúruvernd 1971
3. Magnús Reynir þakkar fyrir fundinn, telur Hornstrandaneftnd gagnlega. Ræðir friðlýsingu lands og friðlýsingu hafsins meðfram strndlengjunni og fiskeldi. Einnig komu skemmtiferðaskipa, óbyggðanefnd og þjóðlendunefnd.
4. Erling segir fólk vilja byggja og bendir á samkomulag frá 2004, einnig samninga sem leyfa húsafólk að nýta fjórjhjól til flutninga á vörum frá fjöru til heimilis.
5. Finnbogi Jónasson minnir á að fólk hafi þurft að yfirgefa Bolungavík á Ströndum með ekkert nema búfénað. Undrastað ekki megi fara um landið til að skjóta mink og stjórvöld geti tekið þinglýstar eignir eignarnámi.
6. Jóna Benediktsdóttir segir hafnarstjórn sé að vinna í máli vegna komu skemmtiferðaskipa, er að skoða hvaða leiðir séu færar samkvæmt alþjóða siglingalögum. Hún hefur áhyggjur af framvindu mála varðandi fiskeldi vegna

7. Erling segir að þjóðlendumál hafi ekki komið á borð LSG þar sem ekki sé enn komið að Vestfjörðum. Lögð eru fram gögn langt aftur í tímann og fólk þarf að gæta að því að eignir séu ekki skráðar á látið fólk. Ólafur Helgi vann í að koma skráningu í lag.
8. Jósef Vernharðsson hefur áhyggjur afmikilli ásókn í að flytja ferðamenn norður og hætta sé á mengum og skemmdum af völdum ferðamanna. Leiðin upp frá Hesteyri er orðin þakin götum í jarðveginn, vatn rennur svo um og í frosti springur jörðin upp.
9. Erling telur ekki hægt að stemma stigur við ferðir ferðamanna. Landið er viðkvæmt fyrir göngustöfum og á mörgum stöðum eru kröfur um tegund göngustafa. Gera þarf kröfur um umbúnað.
10. Herborg Vernharðsdóttir bendir á að jarðir komi inn á skattframtöl sem verðmæti.
11. Jósef Vernharðsson telur fasteignagjöld of há 37 fermetra kofi losi 40 þús. Einnig séu sorpeyðingagjöld of há þar sem brennanlegu sé eytt í kamínum og náttúrulegt sett í moltugerð.
12. Konráð Eggertsson segir að landeigendum hafi ekki verið tilkynnt þegar friðlandið var stofnað, hundahald bannað og lausaganga. Kvíar og eldi koma féluginu ekki við, allt afturkræft. Verðum að fórna einhverju til að geta klætt sig og fætt. Alltaf fækkan hjá Ísafjarðarbæ. Mönum boðið pláss undir fóðurstöð á Langeyrinni.
13. Gísli Halldór bæjarstjóri segir það ekki forgangsverkefni að lækka skatta. Sorpmál erfið, það þurfi aðkoma skikk á þau, gámarnir eru vandamál og notaðir af fólk sem á ekki að nota þá. Gera þarf verndaráætlun fyrir friðlandið (nýtingaráætlun), koma böndum á ferðalanga og stilla upp ákveðnum gönguleiðum, hvar, hvenær og hvaða umferð á að vera. Vald landeigenda að banna landgöngu. Bæjarstjórn samþykkti að fiskeldi væri ekki leyft að sinni, ekki fyrr en nýtingaráætlun liggur fyrir.

14. Einar Hreinsson bendir á varðandi komu skemmtiferðaskipa að ekkert öryggishlið sé í höfnum í friðlandinu og engar sóttvarnir.
15. Gísli Halldór bendir á að nóg sé að tolla á einum stað og svo megi senda fólk í land á öðrum stað.
16. Reimar Vilmundarson bendir á að erfinni lands geti ekki þinglýst á sig þar sem landið er óskipt og þinglýsingar á dánarbúi geti endað í ríkiseign sem þjóðlenda. Vill leyfi fyrir landeigendur á notkun vélsleða.
17. Erling bendir á að það þurfi deiliskipulag til að afmarka lóðir.

Fleira ekki tekið fyrir.

Unnið úr fundargerð Ingva Stígssonar af Matthildi Guðmundsdóttur.

Félagsfundur LSG haldinn á Ísafirði 28. apríl 2016 í Stjórnsýsluhúsinu 4. hæð. Fundurinn fór afar vel fram og aðsókn fór fram úr björtustu vonum 37 manns sóttu fundinn. Umræður voru málefnalegar og lögðu fundarmenn fram fjölda spurningafyrir stjórnnarmenn LSG. Sjá meðfylgjandi yfirlit.

Fundur hófst 20:10 og lauk 22:15

Fundarmenn voru 37

Á fundinum fór Erling Ásgeirsson yfir tilurð og stofnunar félagsins og sögu þessi í upphafi. Ingvi Stígsson yfir reikninga félagsins, og sýndi tölur yfir félagsmenn.



Hvaðan eru félagsmenn?

- | | |
|---|--|
| <ul style="list-style-type: none">• Aðalvík 66<ul style="list-style-type: none">– Látrar/Miðvík 34– Sæból/Þverdalur 32• Hornvík 21• Hesteyri 15• Fljótavík 10• Sléttuhreppur – aðrir 3• Grunnavíkurhreppur 10 | <ul style="list-style-type: none">• Reykjavíkursvæði 82• Vestfirðir 30• Reykjanes 6• Suðurland 5• Akureyri 2 |
|---|--|

Að loknum kynningum Erlings og Ingva fóru fram umræðu og fara hér á eftir helstu atriði sem rædd voru.

Lögmæti friðlands

Eftirfarandi fullyrðingu var sett fram „*Til að stofna friðland hefði þurfti undirskrift allra landeigenda*“

- Friðlandið stofnað skv. lögum um náttúruvernd nr. 47/1971
 - 28. gr. leyfir friðun skv. samkomulagi við landeigendur og þarf þá samþykki allra.

EN

- 30. gr. leyfir friðun með tilkynningu og höfðu hlutaðeigandi 4 mánuði til að mótmæla eða gera bótakröfur
 - Fyrsta tillaga send út 2. febrúar 1973
 - LSG stofnað 10. mars 1973
 - Endurbætt friðlýsingartillaga auglýst 10. maí 1973 í Lögbirtingablaðinu
 - Nokkrar athugasemdir berast
 - Gaukur Jörundsson lagaprófessor sendir Náttúruverndarráði umsögn um athugasemdirnar 19. janúar 1975
 - Friðlandið stofnað með auglýsingu í Stjórnartíðindum 27. febrúar 1975

Þegar friðað var með 30. gr. þurfti ekki samþykki allra landeigenda, en þeir gátu gert bótakröfu.

Umferð vélknúinna ökutækja

Nokkur umræða varð um vélknúin ökutæki, vélsleða og fjór- og sexhjól

- Mikilvægt er að þeir sem dvelja inn á svæðinu sýni hver öðrum virðingu við notkun á vélknúnum ökutækjum. Flestir eru að leita að frið og ró.
- Reglur friðlandsins segja: „2. Umferð vélknúinna farartæka utan vega og merktra slóða er bönnuð, nema leyfi [Umhverfisstofnunar] komi til.“
- Land- og húseigendur eiga auðveldlega að fá leyfi frá Umhverfisstofnun til að vitja eigna sinna að vetri til á vélsleðum.
- Samkomulag milli LSG og Umhverfisstofnunar var gert á sínum um fjór- og sexhjól. Skv. því má fá leyfi til að nota hjólin til að fara frá fjöru að húsi með farangur og efni.

Umferð ferðamanna og komur skemmtiferðaskipa

Nokkrar athugasemdir voru gerðar við að skemmtiferðaskip væru að setja farþega sína í land oft tugir eða hundruðir í einu.

- Komur skemmtiferðaskipa hafa verið í athugun hjá Ísafjarðarbæ, Ísafjarðarhöfnum, Umhverfisstofnun og LSG.
- Nóg er fyrir skemmtiferðaskip að koma í höfn á einum stað og fá tollafreiðslu þar og senda svo fólk í land á öðrum stöðum.

- Setja þarf upp verndaráætlun fyrir friðlandið og koma böndum á ferðalanga. Stilla þarf upp ákveðnum gönguleiðum og ákveða hvenær hvaða umferð má vera hvar.
 - Skv. 4. gr. friðlýsingar getur Umhverfisstofnun sett nánari reglur um umferð um svæðið.


Réttur landeigenda skv. lögum um náttúruvernd nr. 70/2013

- 23. gr. *Takmarkanir á heimild til að tjalda.*
Eigandi lands eða rétthafi getur takmarkað eða bannað að tjöld séu reist þar sem veruleg hætta er á að náttúra landsins geti beðið tjón af.
Hafi eigandi lands eða rétthafi útbúið sérstakt tjaldsvæði á landi sínu er honum heimilt að beina fólkí þangað og taka gjald fyrir veitta þjónustu þar. Sé tjaldsvæði í næsta nágrenni eignarlandsins getur eigandinn einnig beint fólkí þangað.
 - 24. gr. *Skipulegar hópferðir.*
Þegar skipulagðar eru hópferðir um eignarlönd í byggð eða þar sem ónæði gæti valdið við nytjar skal hafa samráð við eiganda lands eða rétthafa um umferð manna og dvöl á landi hans.
 - 25. gr. og 25. gr. a. *Takmörkun umferðar vegna ágangs ferðamanna*

Fiskeldi í Jökulfjörðum

Umræður urðu um fiskeldi í Jökulfjörðum. Voru sumir alfaríð á móti kvíum í Jökulfjörðum en aðrir töldu málið ekki koma LSG við.

- Arnarlax hefur sótt um leyfi fyrir kvíum fyrir 10.000 tonn. Annars vegar undan Gathamri og Staðarhlíð milli Grunnavíkur og Höfðastrandar og hins vegar við Öskuhlíð milli Hesteyrarfjarðar og Veiðileysufjardar.



Sormál og fasteignagjöld

Á fundinum var minnist á sorpeyðingargjald sem fundarmönnum þótti hátt. Húsaþólk reynir að nýta rusl eins hægt er, t.d. í kamínur og til moltugerðar. Rusl sem fer til baka úr friðlandinu er því lítið.

- Sú skoðun kom fram að fasteignagjöld væru of há.
- Sorpeyðingargjöld Ísafjarðarbæjar voru kærð til úrskurðarnerndar umhverfis- og auðlindamála 2013. Úrskurður féll 2014, þar segir
- „Sveitarfélagi er [...] ekki talið skyld að reikna út kostnað við meðhöndlun sorps hvers íbúa eða fasteignar, heldur heimilt að jafna heildarfjárhæð niður á áætlaðan fjölda notenda, [...] Sveitarstjórn var því heimilt að ákveða að tiltekið fast gjald yrði lagt á kæranda vegna fasteignar hennar. [...] Þá var heildarkostnaður sveitarfélagsins samkvæmt framlögðum gögnum hærri en heildarútgjöld þess. Í samræmi við framangreint verður kröfu kæranda hafnað.“
- Bæjarstjóri taldi mörg verkefni óleyst hjá sveitarféluginu og ekki forgangsverkefni að lækka að skatta.

Hús og lóðaskráning

Á fundinum kom fram að erfiðlega gengur að þinglýsa eignarhaldi á hús þegar land er óskipt. Krafa er um að hús standi á skilgreindum og skráðum lóðum.

- Nú er orðið mjög erfitt að breyta þinglýstum eigendum að húsum nema til staðar séu lóðir, skráðar í fasteignaskrá Þjóðskrár.
- Land- og húseigendur eru hvattir til að koma lóðaskráningu og lóðasamningum í gott horf.

Önnur mál

- Þjóðlendumál
- Lausaganga hunda